

雞澤縣志卷之八

王錦林學巖增輯

海牛思永

校訂

風俗

古昔觀風問俗以知民情之淳澆然或示以儉或示以禮則移易之機在上也雞本衛地疑近淫靡今則耕耨罔怠刀尺相聞其勤儉幾與唐魏等殆猶有康叔武公之舊乎夫風與土相因民悉力於操作則野無閒曠而生產蕃滋矣志風俗而以物產附

雞澤縣志

卷之八

風俗

一

隋地理志曰人性質直尚儉約勤稼穡

宋地理志曰地雜斥鹵人多畜牧

通考曰民務農桑士習詩書

郡舊志曰男力耕稼女勤織紉士知向學

圖經曰近好侈靡革而未盡

冠禮久廢士大夫偶有行者惟具牲醴酬祖先

婚禮遵父母之命請媒妁二人謁女家曰紅葉得允後約

吉宴飲男先女後曰會親未娶惟婿家四時餽花幣脯果

曰追節娶後女家亦如之以采幣聘金牲果鼓吹送女家

曰行聘壻簪花拜媒揖客主人侑以幣曰迎開口翼口女
家具巾服脯果鼓吹往謝曰同禮臨娶行納采禮而女家
不復答矣婚前一日父兄率壻具醴脯往外家曰通道路
女家亦於是日過粧禮曰鋪牀詰旦壻親迎鼓樂前導轎
用綵結貧者用車壻騎而前娶女客在後到門禮畢新婦
之兄弟亦簪花披紅曰陪郎與壻並轡送女客亦在後次
日壻間有來謝親者三日婦廟見謁舅姑同壻往外家次
日同歸必私帶物回曰偷富貴殊鄙俚姻戚逐日餽脯吳
曰餽飯九日迎女及壻歸曰回九婚必擇吉日利月惟祀
竈日至除夕不忌曰亂歲有貧不能婚嫁乳臭卽過門曰
童養更有因喪娶婦曰孝扶則權而失乎禮矣

雞澤縣志

卷之八

風俗

二

喪禮立告布於門書死者官爵姓字生卒日時旁書孝子
姓名以布帛訃姻戚朋友則不訃戚服後乃受弔散孝經
門外掛旛柩前懸旌三日姻戚餽食曰倒頭飯男女在柩
左右髣髴苦跪日三奠七七百日奠有加不肯速葬有遲
至數十年者有三四喪始同殯者習俗固然亦人子之過
也將葬先書期於門親友具賻奠送銘旌柩出孝子執魂
幡捧化紙之盆鼓吹前導親友設奠於路曰路祭至壙行

題主祀上禮宦室請顯者姻家餽婦女以布幣曰收頭墓
必磚砌或灰槨葬畢孝子步歸虞祭鄉愚亦有不立主者
孝婦妯娌爭先急走曰搶富貴良可嗤慎遷葬必祖塋無
隙地始另擇民間有始喪卽號泣詣神祠焚楮者曰押楮
作佛事瀕葬用俳優歌舞者曰煖扮亦殊非理

祭禮四時祀先無家廟祭於寢列歷代神主或畫祖考像
於軸懸之清明中元十月朔多祭於墓如得功名告祭必
於墓有及母妻家墓者生忌死週知禮者亦祭遇令節或
祈雨皆祀天地神佛設供焚楮或假師巫籙旗鼓擡槓箱

雞澤縣志

卷之八

風俗

三

以爲致虔若鄉社賽神春祈秋報醮錢穀具牲醴張樂演
劇於神廟先一日曰煖神本日曰正賽祭畢餞餘曰破盤
立春前一日迎春東郊各行人扮雜劇男婦競觀之小兒
爭從土牛腹下過曰稀痘設春盤食蘿蔔曰咬春

元旦祀神拜墓謁尊長親友更相賀飲屠蘇酒外甥與外
祖父母母舅送節禮

五日掃堂中土灑門外曰送五窮

入日占一年陰晴有無疾病又請紫姑神問休咎

上元日祀天地祖先城市鄉村用紅綠紙彩或剪布爲之

與紙燈懸於通衢間有張燈放花爆者男女游觀曰走百病

二十五日以灰畫倉困於天井填以五穀曰填倉

二月二日謂之龍擡頭畫青黃二龍青引入井黃引入倉又煎油餅以薰蝎兒童郊外放紙鷂

十五日花朝有祀花神者

清明以柳枝插戶并帶於首自正月至是設鞦韆之戲祭墓掛紙錢

三月上巳祓除不祥

雞澤縣志

卷之八

風俗

四

五月五日互餽角黍飲菖蒲雄黃酒解百毒簪艾虎戴避兵符男女繫五色線於手足曰續命縷

六月六日曝書畫衣服

七月七日兒女穿針乞巧祀天孫

十五日取麻穀祀神祭墓外祖父母舅以麪蒸羊遺其甥曰送羊荅元旦之禮

八月十五日以月餅瓜果相餽贈備酒果月出祀之宴飲其下曰賞月

九月九日登高賞菊互送花糕

十月一日祭墓剪紙爲衣焚墓間曰送寒衣

十一月冬至至行交拜禮亞於元旦老農囊盛諸穀埋地元日取出量其多寡以驗豐歉

十二月八日雜米豆棗果煮粥曰臘八粥

二十四日以糖餅祀竈神

除夕祀先易門神換桃符插芝蔴稽於戶飲椒酒爆竹驅

祟坐竟夕曰守歲

物產

穀之類 黍 稷 小麥 大麥 蕎麥 粟 高粱

雞澤縣志

卷之八

風俗

五

蔬之類

豆 青黃菜赤茶
豇扁黑數種

芝蔴

蔬之類

芥 葱

韭 芹

白菜

黃芽筍
桿二種

蔓菁

菠

菜 茼蒿 芫荽

蘿蔔

紅白
二種

胡蘿蔔

茄

菜水
二種

茗

蓬 萵苣

山藥

藕

莧

茶

蘑菇

瓜

南北東西
菜絲香甜

各種

匏 瓠

葫蘆

蕤

擘蘭

金針

秦椒

甘露

大黃花

馬齒莧

蒜

薺

果之類

蘋果

梨

棗

數種

羊棗

無花果

杏

文

官果

梅

花紅

沙果

柿

石榴

桃

李

葡萄

胡桃

蓮子

錦荔枝

紅薯

香芋

木之類 椿香葉二種 榆 桑 楊青白二種 槐 栢 桐

棠 楸 栝 杜 檣 山川柳 椒 皂角 界桑

荆 棗 檉

花之類 牡丹 芍藥 月季 百日紅 荷 菊 洋

菊 木槿 玉簪 雞冠 石竹 圓竹 金鳳 金盞

金銀花 鳳仙 葵 蜀葵 海棠 秋海棠 碧桃

夾竹桃 洋桃 人面桃 紫荊 丁香白紫二種 玫瑰

芙蓉 迎春 長春 刺梅 薔薇 石榴 馬櫻

草茉莉數種 水紅花 佛指甲 剪秋蘿

雞澤縣志 卷之八 風俗 六

草之類 苜蓿 蒲 蘆 荻 茅 大藍 麻 藤 蓬

蒺藜 萱 天茄 菱 苜蓿 莠 稗

藥之類 香附 葶藶 瞿麥 益母草 鬼絲子 車

前子 地丁 土大黃 茴香 蓼 泉耳 艾 薏苡

仁 牛蒡子 馬鞭草 牽牛 桃仁 杏仁 栢子仁

郁李仁 酸棗仁 桑白皮 茵陳 枸杞 甘草

朴硝 芒硝 蟬蛻 桑螵蛸 草薢子 白芥子 蒼

耳子 夏枯草 萊菔子 蒲公英

貨之類 菸葉 澱 絲花 布 絲 絹 麻線縲二種

蜜 油蘇麻二種 糖 釀 酒明黃二種 蠟 紅花

禽之類 鷺 鴨 雞 鴿 鴉 雁 燕 鳩 鷹

兔 虎 鷄 鵲 鶴 鴟 鷓鴣 蠟嘴 鸚鵡 黃雀

啄木 雀 鶯 子規 布穀 鷓鴣 鸚鵡 鴉

黎雞 麻衣雀 阿鸞 鶯 沙雞

獸之類 牛 馬 驢 騾 羊 豕 犬 兔 獾

狐 狼 貓 花狸 虎 黃鼬

鱗之類 鯉 鯪俗呼鱗花 鯖 魴 鱈黃白二種 鮎 鱖俗呼

厚 白魚 黑魚 汪刺 黃孤 蝦 蟹 鮓 鮓 鮓

澤澤縣志 卷之八 風俗 七

蟲之類 蠶 蜜蜂 蟻 蛤 蚯蚓 蟋蟀 斑蝥 蜻

蟻 蟻 蜘蛛 壁蝨 蜂牛馬二種 蟬 螳螂 蟋蟀

蚊 蝦蟇 蠅 蝴蝶 捕火 蛇 蜥蜴 蝎 蜈

蚣 蠅 刺胃 蝨 蝙蝠 百翎

附尤次孝婦妻妾說

蓋聞乾坤定位道合陰陽男女宜家化行中外故夫婦
為人倫之始有夫婦而後有父子有父子而後有兄弟
君臣朋友夫婦之倫其重如此至婚娶之初更宜慎之
順綱循禮而後無責於倫常苟因陋狗俗不思變其土
風必致尊卑倒置陰陽乖舛弊有不可勝言者吾於雞
邑之婚娶不禁歷歷指陳焉一陰陽失其序而長幼因
之顛倒也古云男子三十而娶女子二十而嫁可知男
長於女未聞妻長於夫也雞俗凡饒裕之家婚娶必女
長於男自三四歲至七八歲不一若男長於女必貧而

無力者聞有知禮之家男長於女無知者反指為笑
且姑息以愛其子年甫十一二即為完娶而所娶之婦
已長大矣日早娶早得媳使月殊不知男先於女夫為
妻綱必夫長於妻而後可以表率庭幃整頓家室若妻
長於夫其夫童稚之習頑皮哭泣百般醜態俱為其妻
日擊而輕慢之心頓起為夫者又何能綱領其妻開有
家而悔亡耶一雌簿或不修而閨門容有敗壞也人家
婦女無知者全賴丈夫謹飭嚴束之今既女長於男而
又早婚夫方弱稚女已長大夫固知識未開女已稍開
情竇在家為室女尚知避忌既已合昏結褵而牀第間
對一少不更事之人堅貞者無論已保無有頑鈍無恥
者之蕩檢踰閑平而為之父母者獨不慮及此乎一懼
內者多而反目之事時有也夫剛妻柔而家道正即有
不賢者可以理論之以勢禁之自女長於男之俗成而
夫之能約束其妻者鮮矣蓋其積累者久也被親迎之
始夫之齒方踰十歲妻年已將二十知禮者猶知敬夫
潑悍者視夫子為童穉詬詈有之敲撲問亦不免問有
暑月夫熟眠於天井院落之中妻抱持而提攜之於臥

維澤縣志

卷之八

風俗

八

室如嬰兒然及夫年既長即欲振理家法其妻果俯首
帖耳否耶此交謫詬誶之聲勢所必有而安望其夫妻
和順家室安寧耶故鄉吼之風熾而方山子在在皆是
也一早婚多天亡而時見西河之慟也人家父母愛惜
其子中幼之年即結花燭以為可早歲抱孫抑知童年
筋力未堅固一貪枕席之歡罔知節制之道得厄羸衰
弱之病長臥牀褥者有之甚至癆瘵失血不滿二三十
歲而天亡者有之是其父母欲早生孫反致喪子彼此
效尤相沿不改愛子之心不既左乎曷勝浩歎一生育
失其時而後嗣多艱也古人男長於女之說不惟別尊
卑且於生育之道有至理存焉蓋男子年齒雖老猶能
生育女子天癸一絕即不能孕如雞俗男至四十正當
壯盛而其婦已望五萬難生育倘無子者遇柔順之婦
或吝夫納寵苟屬強梁其夫夙被威懾焉敢娶妾任其
無後承繼本宗尚屬同氣難俗多買異子以致異姓亂
宗且奪產興訟以仇報恩感祖宗之血食敗男女之常
經何莫非妻長於夫階之厲耶一翁媳之年齒相若而
侍奉殊失將觀也娶媳之家翁曰公公姑曰婆婆必年

可爲人公爲人婆而爲之媳者然後可以翁姑事之
邑有十四五歲生子者其子至十一二歲卽與妻
婦少於其子或童養於家猶可言也今婦必長於夫
歲是翁年方廿有四五而新婦之年已十有七八翁不
成翁媳不成媳彼宦家巨室翁媳終歲不相見猶可也
嫌平民之家房舍無多且欲其朝夕奉養不惟觀之不
雅間有釀成新臺之禍者何忍出之於口此尤娶婦太
早女長於男之大患也以上六條訪之本邑之人出之
士民之口非敢故爲捏造以壞天良惟願雞邑紳士早
爲倡率變易其俗務期男女年齒相當卽偶有女長於
男亦不出一二歲且親迎必待二十至早亦須十七八
歲將乾坤順序陰陽和諧家室相安婦隨夫倡永無天
札之傷不聞脫輻之事澆風可挽而雀鼠之訟息矣余
秉鐸一紀每逢紳士談及此不啻痛哭流涕而道之邑
侯王公已有明示茲值修志著爲淺說
使雅俗共曉咸知感悟予懷滋慰矣

